

Schächte ausgewiesen / vnd ist dem ort vnd der Stadt dannen her der Namen gegeben worden. Es ist noch sehr gut gewesen zu der heiligen Hedwig zeiten / denn ihr Sohn Herzog in Schlesien / Heinrich der Gottfürchtige oder Fromme genant / hat vnter seinem Kriegsvolk wider die Lattern 500. Bergheyer gehabt. Wenn er nun nur den fünfften auffgebotten hat (denn auch wegen der alten Bergfreiheit / vnd sonst nicht brauchlich / das man die Arbeiter alle zugleich auffmanet) kan man leichtlich abnehmen / was für Bergbursch dazumal daselbst gewesen sein mus.

So weis man aus den alten Rechnungen wie *Trozedorfius* solches bezeuget / das die Pfarrkirch zu Goltberg aus dem Bergzehnten alle Wochen ein Markt Goldes / oder in die 30. R. Keinitzsch einzukommen gehabt. Wiewol aber dieses Bergwerck für lengst gefallen / hat man doch noch heutiges Tages gute Seiffen allda / in der Ratzbach vnd in andern Bächen daselbst vmb / wie man auch in Riesens grund weschet. So hat zu vnser zeit noch ein schöne Berglasur beynt Goltberg gebrochen in guter notturfft / daraus man auch Golt gemacht.

Reichenstein im Schlesiſchen Gebirge gegen Mehern / ist noch ein berühmte Goltbergwerck / vnd wiewol sie einen groben Riez haben / daraus sie ihr Goltmachen / so schmelzen sie doch Tag vnd Nacht / vnd machen groben Stein / den vrent man mit zwey oder drey Feuer / Nachmals stechen sie vber das Bley vnd treiben ab (wie mein Großvater Johan Hübsch von Nürnberg *annotirt* hat) damit sie guten vberschuß haben mögen. *Agricola* schreibt von einer sondern art des Reichensteinischen Rieses / der weder die Farbe noch härte des Rieses hat / vnd siet wie Glanz / aber an ihm selbst was anders ist / daraus man nicht allein Golt / sondern auch Silber macht in grosser menge. Item noch von einer andern art / so grau oder afehers farb / den man zu dem andern zusetzt / wenn man Golt schmelzet.

Reichenstein

Nicht fern dauon ist der Alteberg / da man auch Golt vnd Silber aus Riez macht. Item / der Zuckmantel so nicht ferne vom Gesenck gelegen. Item / der Kupfferberg an der Bober / nicht fern vom Goltberge / welche Bergstadt wie man siet den Namen / von dem Metall / so sie fürnemlich gibt / empfangen / an welchen ort / neben gemelten Metall / auch viel Kupfferwasser aus Riez gemacht worden.

Alteberg

Zuckmantel
Kupfferberg

By der Stadt Sagen in der Schlesien / da der *Queis* in die Bober sellet / vnd einen guten Strich herauff gegen Lausitz / hat man sehr veruffene Eysenhammer / vnd wechset der Eysenstein daselbst in 10. Jaren wider / denn man wegen des Wassers nicht tieffer als zwey Schuh graben kan / vnd in denselben Gräben / die ich im 1565. Jahr selbst gesehen / sind man in zehen Jaren wider guten Eysenstein / das er also stets wider wechset / wie auch das Eysen in der Insel *Ilua* / dauon herach vielleicht meldung geschehen soll / vnd das Bley im Berg *Fesulano* in *Italien* / so wol das Golt in den Schlichhauffen zu *Eurbach* in *Westualen* / vnd das Kupffer bey der Stadt *Apollonien* in *Dalmatien* / dauon *Fabricius* ferner schreibt / das der gegrabene Eysenstein an gemelten orten in der Schlesien vnd Lausitz auch zuneme / vnd das die Erde vnd Holz oder Stöck in demselben auch darinnen zu Eysen werden / desgleichen auch in den Gräben geschehen soll / das man erstlich ein dickes Wasser findet / welches wie ein Schlich setzt / vnd wird gleich als ein Letten draus / der endlich hart wird. *Wilichius* schreibt von *Sagen* / *Soraw* / *Sprotta* vnd *Börlitz* / das daselbs vmb / ein solche menge Eysenstein sey / das man ihn stracks vnterm Rasen finde / welcher auch stets für vnd für wider wachse.

Sagen vnd
LausitzWo das Eys
wider wachse.

Wob das 1340. Jar vngeseht (*Crentzheimius* setz das 1342. Jar) ist ein neue Goltbergwerck auffkommen / vnter *Ludwigen* Herzogen in Schlesien vnd bey *Lignis* / in dem *Lignis*ſchen Gebiet / da 130 das Städtlein *Nickels*ſtadt gelegen. Dieses hat sich anfänglich so reichlich erzeiget / das gemelter Fürst wöchentlich vnd gemeiniglich hundert vnd 20. bisweilen auch vber 150. oder 160. markt Goldes besonns

Nickelsstade
bey Lignis

sonns